

### **Amandman 1.**

Mijenja se član 13. Tako što se u tački 8. Brišu riječi „**notarski obrađen**“.

Nakon izmjene član 13. Tačka 8 glasi:

**„8) naziv, broj i datum notarski obrađenog akta o osnivanju subjekata upisa“.**

### **O b r a z l o ž e n j e**

Uvođenje obaveze notarske ovjere određenog broja akata, predstavlja klasičan parafiskalni namet za poslodavce. Naime materijalnim zakonom se uvede određena nadležnost za postupanje određenog organa, u ovom slučaju notara, a na osnovu toga poslodavaca mora da plaća tu obavezu. U ovom slučaju sasvim otvoreno treba reći da je takva odredba unijeta u zakon da bi se pogodovalo notarima.

Ukoliko predlagač zakona bude tvrdio da su te obaveze utvrđene u nekom drugom, materijalnom zakonu, to nije dovoljno dobra argumentacija po našem mišljenju, jer se u tom slučaju radi o pravnom pleonazmu. Znači nije potrebno prepisivati odredbe iz jednog zakona u drugi, niti je to potrebno, jer se zakon svakako mora poštovati. To samo pravi problem u slučaju promjene materijalnog zakona, jer se uz njega mora mijenjati i procesni ili provedbeni zakon.

Konsultujući praksu susjednih i većine EU zemalja, utvrdili smo da je većinska praksa da se ne spominju notarski ovjereni dokumenti nego samo notarski ovjereni potpisi. Čak i u nastavku ovog zakona, u članu 3. riječi „notarski obrađenog“ brišu se iz članova 17.-20.

Uostalom ovo je test za sve predstavnike političkih stranaka jer je ovo najlakši i najbezbolniji način ukidanja parafiskalnog nameta, a da budžet ili vanbudžetski fondovi ne trpe štetu. Znači radi se o Win-Win kombinaciji u kojoj niko ne gubi.

### **Amandman 2.**

Član 1. Zakona o izmjenama i dopunama Zakona o registraciji poslovnih subjekata u FBiH **briše se**.

#### **Novi član 15 glasi:**

Podružnica subjekta upisa upisuje se u glavnu knjigu registra osnivača dijela subjekta upisa,“ briše se, a novi član 15. Glasi:

„U Zakonu o registraciji poslovnih subjekata u Federaciji Bosne i Hercegovine („Službene novine Federacije BiH“, br. 27/05, 68/05 i 43/09),član 15. mijenja se i glasi:

„Registracija podružnice subjekta upisa

Podaci koji se obavezno unose u registar u slučaju registracije podružnice subjekta upisa su:

- 1) firma i sjedište podružnice subjekta upisa;
- 2) djelatnost podružnice subjekta upisa;
- 3) naziv, broj i datum akta o osnivanju podružnice subjekta upisa;
- 4) ime i prezime, lica ovlašćenog za zastupanje podružnice subjekta upisa.

## **O b r a z l o ž e n j e**

Naše mišljenje je da član 15. koji je nalazi u osnovnom tekstu zakona (Sl. Novine 27/05) je najbolje rješenje. Da stvar bude još čudnija, u članu 2. ovog istog zakona za registraciju podružnice strabog lica, ne traži se notarski obrađen akt.

Pored razloga navedenig u obrazloženju prethodnog amandmana, bitan razlog nalazi se i u neusklađenosti predloženog člana, sa Zakonom o zaštiti ličnih podataka, pogotovo ako imamo u vidu rješenje iz člana 10. Tačke 2.; 3. i 4. ovog zakona. Budući da je registar javna isprava u koji mogu imati uvid i druga lica, očigledno je da lični podaci (matični broj i broj LK) neće biti zaštićeni i mogu biti zloupotrebjeni.

Jasna nam je intencija predlagača zakona, da se suzbiju zloupotrebe i kriminal i istu podržavamo. Međutim sigurni smo da način nije dobar. Uostalom registracioni sud, ukoliko to smatra potrebnim, može provjeriti po službenoj dužnosti bilo koji podatak iz CIPS-a, ili bilo kojeg drugog organa.

### **Amandman 3.**

Član 2. Kojim se uvodi novi član 15 a), **briše se.**

## **O b r a z l o ž e n j e**

U postojećem ZoPD, ne postoji takav oblik organizovanja poslovnog subjekta, tako da se ovim zakonom ne može predvidjeti registracija nečega što pravno ne postoji. Tačno je da u Nacrtu novog ZoPD, postoji takav oblik organizovanja, ali da li će on u tekstu ostati nakon javne rasprave i amandmanskog djelovanja posloanika i delegata, to u ovom trenutku niko ne zna.

Ukoliko ZoPD bude usvojen u tekstu koji je predložen, a po našem mišljenju, ne bi trebao, tada se može pristupiti proceduri izmjena i dopuna ovog zakona.

### **Amandman 4.**

Član 4. kojim se mijenja član 22. Zakona, briše se.

#### **Novi član 22. glasi:**

„(1) Za potrebe utvrđivanja i provjere općih i posebnih podataka koji se prilikom osnivanja poslovnog subjekta ili izmjena podataka od značaja za pravni promet obavezno unose u registar, u ovisnosti od predmeta upisa, registarski sud zahtijevat će podnošenje sljedećih isprava:

- 1) ovjereni potpis lica ovlaštenog za zastupanje na obrascu prijave za registraciju predviđenom za sud u štampanom obliku;
- 2) akt o osnivanju ili akt o izmjenama općih podataka od značaja za pravni promet već osnovanog, odnosno registriranog subjekta upisa kojim se utvrđuje osnivanje, odnosno izmjena bitnih podataka;
- 3) statut poslovnoga subjekta;

- 4) odluku o imenovanju lica ovlaštenog za zastupanje u unutarnjem i vanjskotrgovinskom prometu, ako nije imenovana aktom o osnivanju;
- 5) potvrdu banke o izvršenoj uplati na privremeni račun deponovanih novčanih uloga kojom se utvrđuje visina uplaćenog kapitala u novcu;
- 6) dokaz o sredstvima osiguranja za neuplaćeni iznos novčanog dijela osnivačkog uloga kod jednočlanog društva kapitala;
- 9) dokaz o sredstvima osiguranja za neuneseni dio nenovčanoga uloga kod jednočlanog društva kapitala;

(2) Registracijski sud će po službenoj dužnosti, ako smatra da je to potrebno, pribaviti:

- 1) izvod iz odgovarajućeg javnog registra kojim se dokazuje vlasništvo nad ulogom u stvarima i pravima, odnosno prijava za odgovarajući javni registar, i nalaz ovlaštenoga sudskog vještaka kojim se utvrđuje vrijednost uloga u stvarima i pravima;
- 2) odgovarajuće odobrenje Komisije za vrijednosne papire Federacije Bosne i Hercegovine (u daljnjem tekstu: Komisija za vrijednosne papire) i Registra vrijednosnih papira Federacije Bosne i Hercegovine (u daljnjem tekstu: Registar vrijednosnih papira), ukoliko je to propisano posebnim zakonom;
- 3) odobrenje nadležnog organa u skladu sa članom 46. ovoga Zakona.

(3) Odredbe stava 1. tačke 1) ovoga člana primjenjuju se kod upisa osnivanja svih oblika privrednih društava, kao i kod upisa promjene podataka koji se tim ispravama dokazuju, osim ako je njihova primjena izričito isključena ovim Zakonom.“

### **O b r a z l o ž e n j e**

Uz obrazloženje za „notarski obrađen akt“ iz prethodnih amandmana, potrebno je obrazložiti i uvođenje novog stava 2. ovog člana.

Naime stepen birokratizacije našeg društva je nevjerovatno veliki. Pojedinci i poslodavci izloženi su potpuno nepotrebnom, trošenju vremena i novca, vađenjem i ovjeravanjem velikog broja dokumenata, umjesto da ih državni organi prikupljaju od drugih državnih organa službenim putem.

Na taj način podići će se konkurentnost naše privrede i nećemo biti 132, daleko najgore plasirani u regionu, na listi „doing bussines“, (Makedonija 20, C Gora 40). Proceduru za registraciju je potrebno uprostiti a ne usložiti i poskupiti.

### **Amandman 5.**

U članu 5. Stav 1. Brišu se tačke 2. 3. 4. i 5, tako da novi član 5 glasi:

U članu .23. stav 1. mijenja se i glasi:

„(1) Uz prijavu za upis osnivanja dioničkog društva pored ostalih, podnose se i sljedeće isprave:

- 1) isprave propisane članom 22. stav 1. tačka. 1) ovog Zakona;
- 2) potvrda banke o uplati osnivačkog kapitala u novcu, odnosno dokaz o novčanoj vrijednosti stvari i prava unesenih u društvo;
- 3) odluka o imenovanju lica ovlaštenog za zastupanje, ako nije imenovano aktom o osnivanju;
- 4) ovjeren potpis lica ovlaštenog za zastupanje.“.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman 6.**

U članu 6. Tačke 2. i 3. brišu se, dosadašnje tačke 4.-8. Postaju tačke 2.-6. Tako da novi član 6 glasi:

U članu 24. stav 1. mijenja se i glasi:

„(1) Uz prijavu za upis u registar osnivanja banke ili druge finansijske organizacije pored ostalih, podnose se i sljedeće isprave:

- 1) isprave propisane članom 22. stav 1. tačka 1) ovog Zakona;
- 2) rješenje Agencije za bankarstvo Federacije Bosne i Hercegovine (u daljnjem tekstu: Agencija za bankarstvo) o izdavanju dozvole za rad kao i saglasnost na akt o osnivanju i statut, odnosno isprave predviđene drugim zakonima Federacije;
- 3) dokaz da su uplaćena novčana sredstva na privremeni račun kod banke;
- 4) akt o imenovanju direktora ili vršioca dužnosti direktora;
- 5) ovjeren potpis lica ovlaštenog za zastupanje;
- 6) dokaz da su osnivači banke sredstva u nenovčanom obliku stavila na raspolaganje banci.“.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman 7.**

U članu 7. Tačke 2) i 3) brišu se a tačke 4)-8) postaju tačke 2) do 6), tako da novi član 7 glasi:

U članu 25. stav 1. mijenja se i glasi:

„(1) Uz prijavu za upis u sudski registar osnivanja dioničkog društva za osiguranje prilažu se:

- 1) isprave propisane članom 22. stav 1. tačka. 1) ovog Zakona;
- 2) dozvola nadležnog organa za rad društva, odnosno druge isprave propisane drugim zakonom Federacije;
- 3) akt o imenovanju direktora ili vršioca dužnosti direktora;
- 4) ovjeren potpis lica ovlaštenog za zastupanje;
- 5) dokaz o deponovanim novčanim sredstvima na privremeni račun;
- 6) dokaz o ulozima u stvarima i pravima.“.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman 8.**

U članu 8. Tačka 2. brišu se a dosadašnje tačke 3.-5.postaju tačke 2.-4. Tako da novi član 8 glasi:

„U članu 26. stav 1. mijenja se i glasi:

„(1) Uz prijavu za upis u registar osnivanja društva sa ograničenom odgovornošću prilažu se sljedeće isprave:

- 1) isprave propisane članom 22. stav 1. tačka. 1) ovog Zakona;
- 2) potvrda banke o izvršenoj uplati kapitala u novcu odnosno dokaz o novčanoj vrijednosti stvari i prava unesenih u društvo;
- 3) odluka o imenovanju lica ovlaštenog za zastupanje ukoliko nije imenovano aktom o osnivanju;
- 4)ovjeren potpis lica ovlaštenog za zastupanje“.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman 9.**

Član 27. Briše se, tako da novi član 27. glasi:

Uz prijavu za upis u registar osnivanja društva s neograničenom solidarnom odgovornošću i komanditnog društva prilažu se sljedeće isparve:

1. Akt o osnivanju;
2. Potvrda banke o uplati novčanog uloga na privremeni račun, odnosno dokaz o tome da su stvari i prava stavljene na raspolaganje društvu ukoliko je predviđena uplata novca, odnosno unošenje stvari i prava u društvo aktom o osnivanju;
3. Ovjeren potpis osobe ovlaštene za zastupanje.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman 10.**

U članu 12. U tački 1) riječ notarski obrađen, briše se, tako da novi član 12. Glasi:

„U članu 31. stav 1. mijenja se i glasi:

(1) Uz prijavu za upis u registar osnivanja zadruge prilažu se:

- 1) akt o osnivanju;
- 2) zadružna pravila;
- 3) dokaz o izvršenoj uplati ili unošenju udjela, odnosno sredstava osnivača u skladu sa osnivačkim aktom;
- 4) odluka o imenovanju direktora;
- 5) ovjeren potpis lica ovlaštenog za zastupanje.“

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

### **Amandman 11.**

Član 13, briše se.

### **O b r a z l o ž e n j e**

Vidjeti obrazloženje amandmana 3.

### **Amandman 12.**

Član 15. Briše se. Kao i član 20. Zakona o izmjenama i dopunama Zakona o registraciji pravih subjekata (Sl. Novine 43/09).

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana

### **Amandman 13**

Član 16. Mijenja se i glasi:

„U članu 38. stav 3, članu 39. st. 4. i 6, članu 40. stav 1. članu 41. stav 1. Članu 42, članu 43. riječi: “notarski obrađen“ brišu se.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana

### **Amandman 14.**

U članu 17. Stavovi 1. 2. 3. i 5. Riječi “notarski obrađena“ brišu se, a dodaje se novi stav 7. koji glasi:

„(7) Ukoliko se promjene iz ovog člana vrše izmjenama osnivačkog akta, uz prijavu za upis promjena u registar, prilaže se izmjena i/ili dopuna osnivačkog akta.“.

### **O b r a z l o ž e n j e**

Obrazloženje za ovaj član sadržano je u obrazloženjima prethodnih amandmana.

U članu 38. stav 3, članu 39. st. 4. i 6, članu 40. stav 1. i članu 41. stav 1. riječi: “notarski obrađen“ brišu se.

### **Amandman 14.**

Iza član 57. Dodaje se novi član 57. a), koji glasi:

Postupak po zahtjevu za registraciju poslovnih subjekata je hitan.

O zahtjevu za upis u registar prvostepeni sud je dužan da odluči u roku od 15 dana.

Ukoliko se na prvostepeno rješenje uloži žalba, drugostepeni sud je dužan da je riješi u roku od 30 dana.

### **O b r a z l o ž e n j e**

Registracija privrednih društava u FBiH, traje neopravdano dugo. Prosječno vrijeme trajanja prvostepenog postupka je oko 50 dana. Zbog toga predlažemo da se postupak ubrza i pošalje pozitivan signal investitorima.